

庶物類纂

水屬

自四十至四十一

| | | | |
|-------|----|-----|---|
| 太政官文庫 | | | |
| 和書門 | 特別 | 三二 | 架 |
| 類 | 函 | 三六二 | 冊 |
| | | 四六五 | 冊 |

| | |
|------|----------|
| 內閣文庫 | |
| 番號 | 和 32362 |
| 冊數 | 465(110) |
| 函號 | 特 54. 1 |

二十

共廿



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







廢物

類纂水屬卷之四十四目次

應潮泉

應潮泉


潮溪

吐泉


撫掌泉

縮泉

天竺菜子一



應潮泉



庶勿類集

水屬

應潮泉

一

應潮泉

鷄籠山下澗中有數處累石若有人功水常深尺餘朝夕輒有湧泉溢出如潮水時刻不差朔望尤大號

為潮泉晉張僧鑒潯陽記○說郛

機謹按合璧事類引潯陽記若有人功作若出入力

井味鹹色綠者其源通海舊云東風時鑿井則通海脉理或然也明田藝衡煮泉小品○陳眉公續秘笈

金陵鐘山頭陀寺第一峰有應潮井其泉與江潮盈

縮相應故名石邁古跡編井內時得斷帆朽木之屬

明彭大翼山堂肆考

應潮泉在候官雲峯寺廣二三尺水纔數寸進退深

淺與潮候無少差

明陳希顏事言要玄集

機謹按博學彙書二三尺作一二尺

墨客揮犀云福州雪峰有應潮泉其廣不過二三尺水纔數寸而進退淺深與潮候無差然四旁皆頑石惟當中有數沙眼每潮上則涓涓而出潮退後竭故老相傳以為海眼但其處高當山脊不知何以能與

水澤相通也

清來元成博學彙書

潮泉在鳳游山麓有石竅可尺許日常兩潮其出洶

湧其收盡涸

明陳希顏事言要玄集

龍泉水味甘鹹淡不常主滋養腎經制伏心火大抵

通潮脉之水不宜於烹瀹

明李東壁食物本草

碧玉泉相近有曹溪寺有泉甚清一日三潮以辰午酉三時水必漲滿其餘半涸貴州省有泉一日五十五盈五十涸人稱聖泉安寧城北有虎丘亦美勝用修未嘗至姑蘇虎丘時游此以寄想

吳郡馮時可滇行紀畧○續說郭

楊用修記安寧州潮泉一日三溢三蘸連州水下流
有斟溪一日十溢十竭貴州城外有漏洩一日百盈
百竭應漏刻焉可謂奇聞矣因筆之
王世貞克委餘
編○續說郛
機謹按事言要玄引玄中記斟溪作斟泉
潮汐之說朱子極稱余氏之說最為切當如其言有
蚤晚大小之異則以為繫於月蓋以水與月皆陰類
而氣相感故也余嘗遊婺州之屬邑曰浦江其地有
泉名曰月泉其水晦日則涸月生明則漸湧出未望
則長既望則滿由是觀之小者如此大者亦然矣豐

山之鐘霜降則鳴亦氣之相感也

淮浦張綸林泉
隨筆○續說郛

撫州宜黃縣有曹山山前有迴龍亭其下有泉昔白
眉禪師結菴山中時其水一日三潮 重慶府南川
縣北有三潮泉早晚三潮 慶遠府天河縣西有三
潮泉一日三潮潮退則其流一線可以溉田民受其
利因名聖水 思南府婺川縣有龍泉其水或一日
一漲或三日一漲俱一
統志○按潮稱潮信言往來不爽
也昔人言從月者多矣乃又有言從長短星者至於
聖水龍泉則於月與星又何當耶

明張鼎思瑯
邪代醉編

柳州亦有潮泉一日三湧三退同

東山巔有定心石山之半有井其泉與江潮為盈縮

名應潮井百陽雜俎云蔣山有應潮井在半山間俗傳與江潮相應嘗有破船朽板自井中出

貞觀中有牧兒汲水得杉板上朱漆字曰吳赤鳥二年豫章王子駿之船古跡編云應潮井在蔣山古頭陀寺後

江寧府

謹按上元縣志頭陀寺後下有舊志所云井與

江近地脉相通或有之餘不免附會二十字

白鶴嶺在縣東南二十里南有柳屯巖唐時有異人乘牛至此里有失牛者遙見追之及至則人牛俱泯

惟牛蹄跡印石上至今猶存又有女子常乘白鶴出

入洞中時或與樵者語自稱洪三娘後亦不知所之

人名洞曰洪三娘洞嶺下有龜鏡井泉與潮盈縮相

應閩書

應潮泉廣二三尺水纔數寸進退深淺與潮候無差

四旁皆頑石中有數沙眼潮上則涓涓而出退則復

竭古老相傳以為海眼三山志

三潮水廢隆化縣北五里早晚三潮晷刻不差每潮

則水下有聲如雷春季分其潮倍常聲聞十里故老

傳謂泉通海四川總志

三潮溪清水温湯鹽井之側舊經云水日常三潮冬熱夏涼頗為神異四川總志


大城山縣西七十五里與青陽接界下有潮泉郭璞所鑿以應江潮歲旱禱之潮應則雨否則旱寧國縣志

去縣西二里源出縣北仙華之泉相傳其泉視月盈虛以為消長自朔至望則增自望至晦虧因名宋政和三年知縣孫潮訪舊址疏為曲池築亭以備游觀歲久堙塞嘉定十六年縣尹趙崇萊嘗一治之咸淳

三年知縣王霖龍後築塘以瀦泉東南三十步有大阜若覆箕上有亭曰高遠浦江縣志

西流者過白巖山東得泉泉出金子山隱石間日再潮則有聲如雷少頃汎濫聲息迺退又東過紙廠山中入善造紙堅白可愛作帳佳又東南逕羅漢嶺俗傳張杲曾經此洩其上野人取以造酒可代麪安陸府志

三潮水 縣城西五里臨於大河每日子午酉三時山谷隱隱如雷聲水自石罅中湧出如海水之潮汐焉舟行遇之則吉八景之一彭水縣志



潮水泉在京山縣北一百餘里泉隱于石一日兩潮

潮則有聲如雷水即沉濫俄頃聲息水退大明一統志

郴州浪井在黃岑山其水一日三潮清來元成博學彙書

潮泉在郴州城南二十里一日三湧三退若潮候然

湖廣寶慶府新化縣黎山有巖每日三潮高處數尺

不壅

廣東連州城南有潮泉其泉晝夜消長與海潮相應

九華山有潮泉一日三至

廣東天河縣有三潮水一日三潮潮退則其流一線

可以溉田民受其利因名聖泉

巴東縣有三潮水石澗之中一日三次如潮湧者然

南川縣有三潮泉早晚應潮候者三每潮至響聲如

雷春秋分其潮倍常

桂林府聖水巖側子時潮上午時潮落三五十年有

一大潮

吉安永豐縣有泉曰沙井一日三潮湧水移時復乾

溉田可數畝號曰潮

饒州鳳遊山麓有石竅可尺許日常兩潮其出洶湧

其收盡涸

贛州府治興賢門崇真堂其水每日三潮滿溢井口
江西興國州有三潮泉一日三湧

京山縣有潮水泉隱于石一日兩潮潮則有聲如雷
水即汎濫俄頃聲息水退以上清來元成博學彙書

漢中府城固縣桃溪洞在縣治西北水自洞出一日
數潮其聲隱隱如雷同上

貴州婺川縣龍泉其泉或一日一漲或三日一漲消
則澄清漲即渾濁人莫能測同上

雅州北百四十里山谷中湧泉深不可測一日三潮
風浪如雷同上

綏縣有三漲水即羅甘溪也其源出于古井每日辰
午申三潮不爽同上

武隆縣有信水在峽口其泉如沸水與江等日有三
潮每至則高尺餘同上

雲南安寧州西羅青山上有海眼泉相去數百步一
日三潮同上

張佳胤遊記云予遊滇安寧州溫泉間西岸有聖水

一名海眼泉潮應子午卯酉之候時正午時亟渡溪而陟其所水自竇中出盈盈滿澗土人謂此午潮至遂名曰聖水三潮不云四者子夜故不及見耳上同

廣西遷江縣有潮泉泉水湧出一日三潮上同

麻哈州西銅鼓山麓有水晝夜三溢不愆其候


若福建遷安縣白鶴嶺有龜鏡井潮退則泉滿潮長則泉壑每以為驗此又應潮候而與潮正相反殊可怪上同

至于水經注滙水東流與斟水合水道源出東巖下

穴口若井一日之中十盈十竭信若潮流即始興記所云斟溪也上同

遺縣有潮泉其水盈涸不時或遇祈饗一日至三四十潮漢冊其神為澄瀾公唐設湘水縣于此至宋廢劉汝楫云聖泉在平壩衛西自西郭沿溪流躡石磴五里許當置嶂畧河中一泓自罅中迸出滙為方池每日潮汐無停好事者置石鼓其內潮溢尺餘下至鼓之半而止通晝夜凡百次弇州錄名百刻泉一統志名靈泉上同

庶物類纂 卷四十一



應潮池

庶物類纂

卷四十一

水屬

應潮池


應潮池

應潮池

應潮池一池大似覆盆從湧起發晚與江潮相應每

月如斯富陽縣志

西巖寺有靈應池與潮汐應候富陽縣志




潮溪

水屬

潮溪

一



潮溪


夔州府開縣有三潮溪日嘗三潮冬熱夏涼

水經注
明張

鼎思瑯邪
代醉編

四川開縣三潮溪水日常三潮冬熱夏涼頗為神異

清來元成
博物彙書



吐泉

一名笑泉

名勝志

水屬

吐泉

一

吐泉

山謙之丹陽記曰句容縣東三十里有龍岡岡頂有龍沸潭周十三丈間入聲水便沸動常日則不動唐歐

陽詢藝文類聚

瘦峽將至灑瀕堆峽左巖上有題聖泉二字泉上有大石謂之洞石而初無泉也過者擊石大呼則水自石下出予嘗往焚香俾舟人擊而呼之曰山神土地人渴矣久之不報一卒無室家復大呼曰龍王萬姓渴矣隨聲水注時正月雪下其冰如湯或曰復則如



永凡呼者必以萬歲別以龍王而呼之水於是出矣

宋蘇舜欽問見雜錄○說郛

機

謹按宋王翬間見述錄擊而呼之作擊之舟人

龍王下有龍王字雪下作雪寒別以龍王作必以

龍王

四川志云酉陽宣撫司北百里有胡子崖下為孔道行者過此而渴四顧無水土人高聲呼云婆婆齋水來初呼一聲崖上水滴一點再呼滴數點至呼三五聲其水如壺中傾下注於崖下石盤中量定幾人足

用即止至今如常

關西蒙泉胡侍聖談○百陵學山

嘉客泉仕平霸衛西南十里副使焦希程記畧云平

壩之西有泉湧焉湛然甘冽可鑑可酌冬溫而夏清

客至語笑明珠翠玉絮絮而沸風恬日霽晶瑩射日

客語在左則左應在右則右應泉寡亦如之否則已

殆如酬酢因名之曰嘉泉

明李東璧食物本草

廬州城北三里有仙人井昔呂洞賓過此取飲今石

欄上有跪膝痕幾志云洞賓飲處名呂泉今呂泉山

在州西北五十里一名龍吼山一名石青山昔呂仙

卓劔而泉湧出石底累累若貫珠人有笑慢其傍泉
輒加沸又呼為笑泉明曹學佺名勝志

京山在應城縣西南六十里上有溫泉澤中溪淨如
鑑間入聲則湯發可以燂雞同上

溫水出竟陵之新湯縣東澤中口径二丈五尺垠岸
重沙端淨可愛靜以察之則淵泉如鏡間入聲則揚

湯奮發無所復見矣其熱可以燂鷄洪溜百餘步冷
若寒泉明陳禹謨駢志

吐泉出壽泉縣大吐則大出小吐則小出明范貞一典籍便覽

珍珠泉在大蹟山東其水沸出如珠聞入聲其珠愈

大愈多有五穴湧如沸鼎入至沸止既去復沸安陸府志

婆婆泉在思恩州北五十里其泉常隱不見行人渴


呼婆婆則水湧出不更奇乎清來元成博物彙書

機謹按豐後風土記云玖倍理湯井在郡西河有


山東岸口径丈餘湯色黑泥土常不流入竊到井
邊發聲大言驚鳴涌騰二丈餘許其氣熾熱不可

向眈緣邊草木悉皆枯萎因曰溫湯井又相模州

箱根山中有聞入聲而騰涌湯泉數井皆吐泉也




撫掌泉



水屬

撫掌泉

廣雅釋名



撫掌泉

圖經餘杭縣洞霄宮有撫掌泉相傳錢武肅王至宮

撫掌而泉湧出明彭大翼山堂肆考

壽州有吐泉人至其傍大叫則大湧小叫則小湧吐

之則湧瀾甚茅山有喜泉客至則湧出有撫掌泉聞

擊掌聲則湧出無為州有咲泉人咲輒溢明徐來鳳玉梅館漫

錄

茅山喜客泉園徑丈深半尋鼓掌即湧沸津津如散

珠山復有撫掌泉在昭明讀書臺下與此泉同海內奇觀

燕勿頤集卷四十一

水屬

撫掌泉

二

珠泉一泓寒玉藻荇如浮鏡中中吐珠連貫而起拊掌則愈多一名喜客泉

江寧府志

喜客泉撫掌泉在茅山二泉客至撫掌則有珠連貫

而起

同上

和尚井縣東七十里小坑山下昔有一僧卓錫於此而泉湧出汲之不竭時或暫涸群兒以石片拍手作

鉦聲泉出如初

寧國縣志


十字路山城東七十里其境有嘯泉入鼓掌而嘯泉

即湧出又東為南山

寧國府志

一統志云度軍泉在揚州府如臯治西地名聖井欄泉雖淺而不竭擊其欄則大溢出昔岳飛經略通泰領兵過此數千人飲之泉亦如故因名為度軍井元淮南王聞其異取欄置庭中

淵鑑類函




縮泉

水屬

縮泉

一



縮泉

縮泉在南武山聞人聲則止靜候久之復流如故嘉祥

縣志

介泉與虎跑泉共一出其泉雨則縮旱則溢平陽縣志

喜客泉在大茅北方池數尺客至泉即踴躍如珠良久不絕或臨以聲勢則凝然不動亦一奇也舊有蒼

祀孫寒華金壇縣志

庶物類纂水屬卷之四十一目次


乳穴水

硃砂泉

雲母泉

茯苓泉

本草綱目卷之四十一



乳穴水

本草綱目

卷四十一

水屬

乳穴水

一

本草綱目卷之十一

乳穴水

近乳穴處流出之泉也人多取水作飲釀酒大有益其水濃者秤之重於他水煎之上有鹽花此真乳液也

唐陳藏器本草拾遺

機謹按證類本草無流出之泉也五字人下無多字飲作食益字下有也字秤字下無之字

陰陽之相化天一為水六者其壯而一者其穉也夫物老死于坤而萌芽于復故水者物之終始也意水之在人也如山川之蓄雲草木之含滋漠然無形而

爲往來之氣也。爲氣者，水之生而有形者，其死也。死者，鹹而生者，其甘者，能往能來，而鹹者一出，不復反。此陰陽之理也。吾何以知之？蓋嘗求之于身，而得其說。凡水之在人者，爲汗，爲涕，爲淚，爲血，爲澁，爲涎，爲沫。此數者，皆水之去人而外，騖然後肇形於有物，皆鹹而不能返，故鹹者七，而甘者一。一者何也？唯華他之真液，下涌於舌底，而上流於牙頰，甘而不壞，自而不濁。宜古之仙者，以是爲金丹之祖，長生而不死之藥也。今夫水之在天地之間者，下則爲江湖井泉，上

則爲雨露霜雪，皆同一味之甘。是以變化往來，有逝而無竭。故海州之泉必甘，而海雲之雨不鹹者，如涇渭之不相亂，河濟之不相涉也。若夫四海之水，與凡出鹽之泉，皆天地之死氣也。故能殺而不能生，能槁而不能浹也。豈不然哉？吾謫居儋耳，卜築城南，鄰於司命之宮。百井皆鹹，而醪醴漣乳，獨發於宮中。給吾飲食，酒茗之用，蓋沛然而不窮。吾嘗中夜而起，挈瓶而東，有落月之相隨。無一人之我同，吸者未動，夜氣方歸。銜瓊珮之落谷，灑玉池之生肥。吾三燕而過，反

懼守神之訶譏却五味以謝六塵悟一真而失百非
信飛仙之有藥中無主以何依助松喬之安在猶想

像于庶幾蘇軾天慶觀乳泉賦○宋魏了翁經外雜鈔○格致叢書

玉泉乳窟余聞荊州玉泉寺近青溪諸山山洞往往

有玉泉窟中多玉泉交流有白蝙蝠如鴉千歲之後

體如白雪蓋飲乳水而長生也李白集○合璧事類

泉州府北有泉山一名齊雲山巒聳秀上有石乳泉

清潔甘美州名泉郡名清源本此漢書東越王居保

泉山即其地也保者保守之以自固耳明彭大翼山堂肆考

取乳泉漫流者如梁溪之惠山泉為最勝東海屠隆考槃餘事

○陳眉公秘笈

水以乳液為上乳液必甘稱之獨重于他水凡稱之


重厚者必乳泉也丙穴魚以食乳液特佳煮茶稍久

上生衣而釀酒大益水流千里者其性亦重其能煉

雲母為膏靈長下注之流也吳興徐獻忠水品○續說郛

乳泉石鍾乳山骨之膏髓也其泉色白而體重極甘


而香若甘露也明田藝衡煮泉小品○續說郛



硃砂泉

水屬

硃砂泉



硃砂泉

朱砂泉下產硃砂其色紅其性溫食之延年卻疾

明田

藝衡煮泉小品
○續說郛

名山大川仙翁修煉之處水中含丹其味異常能延年却病尤不易得凡不淨之器甚不可汲如新安黃山東峯下有硃砂泉可點茗春色微紅此自然之丹液也臨沅廖氏家世壽後掘井左右得丹砂數十淘西湖葛洪井中有石瓮陶出丹數枚如芡實啖之無味棄之有施漁翁者拾一粒食之壽一百六歲

東海屠隆

考槃餘事○

陳眉公秘笈

圖經黃山東峰下有朱砂湯泉可以點茶春時色即

微紅明彭大翼山堂肆考

新安黃山温泉狹小絕無礫黃氣是硃砂泉春時水

作微紅色明范貞一典籍便覽

丹砂井武陵泉赤如絳廖平以丹砂二十斛寘所居


井中飲是水以祈壽明潘光祖輿圖備考

朱砂泉在小茅西泉水赤而有硃金壇縣志

朱砂泉泉水赤而有硃茅山志

朱砂泉小茅峰西泉色赤西山記云司命君埋西湖

玉門丹砂於中茅峰之巔泉水赤江寧府志




雲母泉

水屬

雲母泉

唐書地理志卷一百一十一



雲母泉

大雲寺雲母泉李華詩序云洞庭湖西玄石山俗謂之墨山山之南有佛寺寺倚松嶺之下有雲母泉自泉口流入渠周徧于庭發源如乳大旱不絕灌園澆濯皆用之自墨山西北至名門二十里間盡生雲母塔道路熒煌如列星又有寶慈觀乃張真人煉丹飛昇之所弟子葬其衣冠俗謂之衣冠塚丹竈遺跡尚在

宋范致明岳陽風土記○說郛

雲母泉下產雲母明而澤可煉為膏泉滑而甘

明田藝衡

燕勿頌集卷四十一

水屬

雲母泉

二

煮泉小品
○續說郛


自墨山而出為雲母泉溉田數十畝唐故有大雲寺
唐李補闕華雲母泉詩序洞庭湖西玄石山俗謂之
墨山山南有佛寺倚松嶺松嶺下有雲母泉泉出石
引流分渠周遍庭宇發源如乳潼末泝如淳漿烹茶
折蒸灌園漱齒皆用之大浸不盈大旱不耗自墨山
西北至石門東南至東陵廣輪二十里盡生雲母墻
塔道路炯炯如列星井泉溪澗色皆純白鄉人多壽
考無癖痼疥搔之疾華深樂之潁川陳公天寶中與

華同諫官公性與道合忽于權利方掛冠投簪顧華
以名山之契乾元初公貶清江丞移武陵丞華貶抗
州司功恩復右補闕上元中俱奉詔徵公自清江至
武陵道路多虞制辭不至華沂江而次于岳陽江山
延望日夕相顧屬思與高賢笑飲雲母之泉躬耕墨
山之下敢違朝命以徇私欲秋風露寒洞庭微波一
聞猿聲不覺涕下况支離多病年齒始衰願餌藥扶
壽以究無生之學事乖志負火焚予心寄懷此篇亦
以書公之志也

華容縣志

麻生類考
水部
雲母泉縣東四十里黑山松嶺之下味甘而流長產
雲母石湖廣總志

茯苓泉



茯苓泉

茯苓泉山有古松者多產茯苓神仙傳松脂淪入地中千歲為茯苓也其泉或赤或白而甘香倍常又木泉亦如之非若杞菊之產于泉上也

明田藝蘅煮泉小品○陳眉公

續秘笈

茯苓泉在杭州府靈隱寺後山古松婆娑泉極甘冽

明彭大翼山堂肆考

杭州府錢塘縣茯苓泉古松婆娑泉出甘冽飲者多

壽明曹學佺名勝志

麻生美々著
新編

